

東方雜誌

東方雜誌

第十六卷 第九號


（筆 據 薩 人 荷）『圖 著 拾』畫 名 西 泰




THE POTATO CLEANERS

Philip L. J. F. Sadée

影 攝 禮 獎 給 行 會 動 巡 東 遠 濱 列 非




(子 公 女 姪 之 君 鳳 東 桂 事 領 總 國 中 名 品 獎 授)




影 攝 之 師 教 其 及 員 技 競 國 中

圖之約和備預會密密開體全表代國約協內室鐘部交外國法黎巴




巴黎和會四大領袖與軍事顧問之會議




自右起一法國上將福煦二軍事顧問三意國阿蘭四都三英國路德喬治四法國格萊孟沙五美總統威爾遜

(中宮賽爾凡國法在) 宮晶水之字簽約和洲歐



椅桌之用字簽約和洲歐



東方雜誌

第十六卷
第九號

●新舊思想之折衷	詹父(一)
●論知識之價值	樊炳清(九)
●英國之自由主義	君實(一五)
●國際聯盟之成立與日英同盟之將來	高勞(二四)
●民族勢力伸展之三式	君實(三〇)
●菲律賓獨立之動機	羅羅(三七)
●萊多尼亞	羅羅(四四)
●大西洋飛航之成功	羅羅(四八)
●亞美尼亞之復興	張舍我(五三)
●朝鮮統治之現狀	唐敬杲(六三)
●民族優劣之比較	羅羅(七一)
●西伯利亞鐵路之現狀	君實(七三)
●美國之政治組織(完)	高勞(七七)
●美探入柏林記(完)	閻仙(八三)
●互助論(續)	李石曾(八九)
●社會主義之檢討	君實(一〇〇)
●幻術談	程小青(一〇五)
●時之改革	君實(一二五)
●流行性感胃之歷史的研究	廣海(一二七)
●植物與溫度之關係	珍特爾(一二)
●魚類之發電器	君實(二六)

次目誌

民國八年
九月

●鍊鉛所中之鉛毒及其救治法.....王質園(二七)

●文苑.....(三一)

●路史(完).....陳林(二五)

●太貴了.....(二五)

●小說攷證續編甲集(續).....蔣瑞藻(二四九)

●豪園謎語(續).....張起南(二八)

●內外時報.....(二五)

●新舊文學之衝突 中國商標版權之保護問題 徵積分史略 不可思議之魔方圖

●統計 中國銀行之內答 托爾斯泰之人生觀 西方文化源流略 最近全國實業之

●係 俄國渥木斯克政府之沿革 中國茶業恢復之時機 濟順高徐兩路與中國前途之關

●山東問題之經過 實歐戰與歷史大觀 比較新調查 記列國對華投資額

●軍之競爭觀 西伯利亞紛擾之實狀 自流井產鹽狀況 東報記新銀行團在美海

●在墨西哥之漁業 巴黎華人豆腐公司參觀記 法國工業的新式乾製法 華人

●德屬羣島 美國太平洋新艦隊 新聞紙之社論 日本論中國煤礦 日人經營南洋


●國聯邦改組之形勢 杜威博士之實業教育論 日本勞動界之覺醒

●法令 督辦邊防事務處組織令 職官任免令.....(三七)

●中國大事記.....(三九)

插畫

三色版泰西名畫『拾薯圖』 菲律濱遠東運動會攝影二幅 法外交部
鐘室內協約國代表預備和約圖 和會四大領袖與軍事顧問之會議
歐洲和約簽字之水晶宮 歐洲和約簽字之桌椅



第十六卷

第九號

新舊思想之折衷

詹父

數月以前有人批評本誌中有數語云。「你說他舊麼他卻像新。你說他新麼他卻實在不配。」吾人援引此言。特以表明新舊二字。在現時之意義。頗爲複雜。若僅以單簡之觀念。爲現時思想界派別之標誌。則誠有似舊非舊。似新非新。渾混而不易明者。蓋新舊二字。本從時間之觀念發生。其間自含有時代關係。時代不同。意義亦異。卽如戊戌時代之新舊。與歐戰以後。現時代之

新舊意義。自然不同。現時代之新思想。若以戊戌時代之見解評判之。則雖不能謂之爲舊。亦實不能謂之爲新。今吾人欲爲新舊思想之折衷。不可不將戊戌時代之所謂新舊。與歐戰以後。現時代之所謂新舊。表明其差異於下。

在戊戌時代。吾國人之思想界。顯然有二種派別。當時以新舊二字。爲其標誌。其意義本極單純。卽以主張仿

效西洋文明者爲新。而以主張固守中國習慣者爲舊。吾人在當時固爲竭力鼓吹新思想。排斥舊思想者。然二十餘年以來。時勢變遷。人類社會上。別有一種新動機發生。西洋之現代文明。乃不適於新時勢。而將失其效用。雖當世之人。亦有不承認此新時勢而詫爲夢囈者。但多數之人。對於此新時勢。固咸有所覺悟。各國之軍事家外交家及其他資本主義者。深恐現代文明。被其破壞。故竭力防遏之。消弭之。以維持現代文明。而一部分之哲學家政治家及其他勞動主義者。則深知現代文明。在現時已無維持之法。惟有創造未來文明。以求救濟。故現時在人類社會上。其思想又顯有二種之派別。吾人若因時代之關係。而以新舊二字。爲之標誌。則不能不以主張創造未來文明者爲新。而以主張維持現代文明者爲舊。人類之思想上。既有如是之派別。則吾國人之思想。自然亦隨之而變遷。一部分之思想家。既覺悟西洋現代文明之缺點。知完全仿效之可危。

且以世界各國關係日深。新時勢之來。中國與西洋各國。必處於同一之境遇。故未來文明之創造。不能視爲西洋人獨有之要求。即不能諉爲西洋人獨具之責任。中國人既爲人類之一部分。則對於世界之未來文明。亦宜有所努力。有所貢獻。中國固有文明。雖非可直接應用於未來世界。然其根本上與西洋現代文明。差異殊多。關於人類生活上之經驗與理想。頗有足以證明西洋現代文明之錯誤。爲世界未來文明之指導者。苟以科學的法則整理而刷新之。其爲未來文明中重要之一成分。自無疑義。此非吾國熱心國粹者自己誇負之言。即西洋學者亦屢言之。而吾國一部分之醉心歐化者。對於西洋現代文明。無論爲維持的。爲破壞的。皆主張完全仿效。雖陷於衝突矛盾而不顧。惟對於中國固有文明。則以爲絕無存在之價值。苟尚有纖芥之微。留於國人之腦底者。則仿效西洋文明。決不能完全。此種思想。固由戊戌時代之新思想推演而來。然以時代

關係言之。則不能不以主張刷新中國固有文明貢獻於世界者爲新。而以主張革除中國固有文明同化於西洋者爲舊。故現時代之所謂新舊與戊戌時代之所謂新舊表面上幾有倒轉之觀。然詳察之。則現時代之新思想對於固有文明乃主張科學的刷新並不主張頑固的保守。對於西洋文明亦主張相當的吸收。惟不主張完全的仿效而已。若以戊戌時代之思想衡之。固在不新不舊之間也。

現時代之新思想可爲戊戌時代新舊思想之折衷。而吾人今日之所論者。則又爲現時代新舊思想之折衷。蓋現在之世界雖爲新時勢發展之時期。而舊時勢之餘威尙儼然存在。正如拿破崙戰役以後。民權思想勃興。政治革命之風潮已瀰漫全歐。而各國專制政府所組織之神聖同盟一時猶維持其勢力。當歐戰後。吾人希望太平。以謂此後世界當無復戰禍。今和約立矣。國際同盟成矣。論者乃謂「此種和約不能維持至五年

之久。」（英國觀察報論文）且有謂「此次和約之結果吾人可即將約文束之高閣而亟從事於第二次之戰爭。」（英國每日新聞論文）是耶非耶。吾人不暇推論。第就關係於吾東亞大陸者證之。覺戰爭時人道正義之呼聲已悉爲外交上「我欲」之呼聲所掩矣。吾國人處此時勢若完全適用現時代之新思想則實行無抵抗主義適爲新時勢之犧牲。故一方對於新時勢不可不有所努力者。一方對於舊時勢仍不可不有所戒備。此折衷論之所由起。亦吾人之所不得已者也。新舊思想之差異就表著者言之。不過程度分量之問題。非極端反對者。其於西洋文明一方主張完全仿效者。一方亦主張爲相當的吸收。其於固有文明一方主張完全革除者。一方亦不主張頑固的保守。則折衷之結果似不過於程度分量之間爲幾分之加減而已。然吾人苟從根本上審察新舊思想之差異。則彼此實各處於極端。有如南北磁之異性。正負數之異號者。其差

異之出發點。實根源於自然界。以自然界中。本有矛盾對抗之定律存在也。今吾人不暇遠為探討。僅從人類生活上。說明二者之差異。差異既明。則折衷之道。可得而言矣。

夫人之生活於斯世也。必有因生活而具有之能力。卽心力體力。施用之以成就生產者。是之謂生活能。又必有因生活而需要之費用。卽消費生產以給養身心者。是之謂生活費。人類生活之進步。當然要求生活能之增大。與生活費之增多。且二者又當然互相聯合。依經濟的法則。要求以最少之生活能。得最多之生活費。以中國人之生活。與西洋人之生活比較。則中國人生活能之拙劣。生活費之微少。與二者之間。種種不經濟之處。均明晰顯見。西洋現代文明。既應用科學與機械。以發展生活能。擴張生活費。而其政治法律風俗習慣等。又以適於人類生活之自由發達為主。中國固有文明。概有抑制生活能（如禁伎巧。尙寧靜）限制生活費。

（如崇節儉）之傾向。且使之損耗於不經濟之處者頗多。（如婚喪儀禮之繁重。家族制度之係累等）故革除中國固有文明。仿效西洋現代文明之思想。在要求人類之生活。順自然的進步而已。然順自然的進步。固可爲真實之進步乎。生活能大。則利源日闢。生活費多。則需要日增。二者皆有使自然界增加生產之效。此種進步。吾人不能不承認其真實。然從自然界增加生產。限於酬報遞減之定律。故真實之進步有限制。而虛僞之進步。乃無限制。所謂虛僞之進步者。卽甲之生活大。則乙之生活能受其妨害。甲之生活費多。則乙之生活費被其侵奪。是也。夫如是。則一部分人類之生活。已大危險。况以妨害侵奪時互起競爭之故。又一部人類之生活。亦受相當之損耗。乙之生活既危。甲之生活亦未裕。人類生活之不經濟。實莫此爲甚矣。且競爭之結果。所增之生活能與生活費。乃全與生活反對。卽其所能所費者。全以損害生活。侵奪生活爲目的。如近世軍備

競爭、軍械競爭、資金戰、糧食戰等。所能愈大，所費愈多。其妨害生活、侵奪生活，亦愈烈。故求人類生活真實之進步者，對於此等虛偽之進步，不可不加以制止。西洋人於歐戰開始以後，漸採用制止之手段，如食糧限制、日用品限制之類。對於生活費之限制，既已實行，而資本歸公、生產機關歸公之理想，亦即對於利用資本與機械以增大其生活能者，加以抑制之意。與吾國固有文明之傾向漸同。蓋人類生活欲望無窮，若任其自然，則必至於相爭相奪，成弱肉強食之世界。以自然界真相之一方面本來如是也。德國之尼采主義，即從自然哲學推演而來。其結果則釀成世界之戰爭。與德國之挫辱、求自然之恩惠，適得自然之懲罰而已。進化之民族，未有不以節約制限為其文化之中心。希臘、羅馬之斯篤克學派、希伯來之基督教義，皆然。吾國固有文明之所以維持不敝者，其精神即在於此。故現時代之新思想，在制止虛偽的進步，以矯正舊思想之錯誤，固不

僅程度分量之加減已也。

但吾人依新思想以蘄求未來文明，若趨走極端，則必傾於共產的社會主義。蓋欲使生活能增大而不妨害他人之生活，能非生產共營不可。（例如浙東沿海十餘縣皆產棉，有舊式榨油廠數十家，專榨棉油，近設一新式榨油廠，能從棉子剝淨餘棉，又從棉油棉餅中提出副產物數種，得利較豐，乃以高價收買棉子，廉價售出棉油，舊式榨廠因此停業，職工數千人，遂失生計，獲利者僅新廠少數股東，若生產共營，則舊廠新廠均為社會上所有之營業，新廠興舊廠廢，猶之以新機器換舊機器，勞力少而生產多，人類可減少其勞動時間而不減少其生活費。）否則操科學以殺人，利於刀兵，率機器以食人，甚於猛獸，誠不如抑制之為愈也。欲使生活費增多而不侵奪他人之生活費，非分配均等不可。否則絕貧者之饘粥，以供富者之膏粱，剝貧者之藍縷，以製富者之文繡，誠不如限制之為善也。然烏託邦之

理想。既不能實現。欲滅科學。毀機器。絕膏粱。文繡。以返於太古醇樸之世。又與人類之進步背馳。將純任自然。聽其相爭相奪。弱肉強食。以終古乎。於是調和於理想與事實之間。而折衷論以起。最普通之折衷論。即現時世界各國政府所最注意之社會政策。對於生活能大生活費多者。減削之。課以所得稅及奢侈品稅。所得稅有至四分之三者。奢侈品稅有至十餘倍者。對於生活能小生活費少者。補助之。如教育之普及。慈善事業之勸導。皆是。雖不均富。雖不共產。而衷多益寡。以劑其平。似其結果當無大異。吾人以爲此種政策。猶之戰場之上。將帥發令。行總攻擊。槍礮對列。施放不絕。既生出大多數之死者。傷者。乃更遣紅十字隊。投以藥餌。裹以綑帶。以救死護傷。即使死者復生。傷者皆癒。謂其結果與不戰相等。夫誰信之。但軍備未撤。戰爭未止。有此殷勤勇敢之紅十字會。行慈善於硝煙彈雨之中。慰情聊勝於無。吾人今日。所以爲折衷論之研究者。亦此意耳。

吾人今日之折衷論。乃欲就吾國情勢。於此新舊過渡時代。謀應付之方策也。吾國人之生活。能不可不使之增大。否則他國人之操科學以殺吾。率機器以食吾者。吾人將無法抵抗之。故若以極端的新思想。反對國人之殖產興業。吾人決不贊成。但吾人之意見。則以爲節約生活費。實較增大生活能爲尤要。吾國人苟能忍守其向來低廉之生活費。則科學與機器。亦將無如之何。日本現時。中等階級以上。悉仿效西洋文明。而農民則兀然不動。日本社會學者。乃有西洋文明。如怒潮。東洋農民如石壁之嘆。蓋蔬食布衣而外。本非生事所必須。彼農民以自己產出之粟米麻絲。供給自己之衣食。故外國人欲以工藝品。吸收吾國之資財。惟賴此石壁以當之。記者近時。居鄉數月。見農民生計。甚爲穩固。惟世家多中落。商夥多失業。識書數通文義。能談論時事。而家無儋石者。乃實繁有徒。轉覺生活能較大者。生活難亦愈甚。故以爲增大生活。能不如節約生活費之爲尤。

要也。且吾國今日殖產興產之後盾亦賴有多數生活費低廉之勞動者以供給材料擔任工作庶足與外國製品相抵抗若不節約生活費則將無殖產興業之可言雖增大其生活能復何所用之現時吾國青年子弟之求學或實習工商業者其生活費與生活能往往同時並進學問知識稍稍呈露頭角則服用之品已悉尙時髦甚則生活能之增進僅以寸計生活費之增進乃以尺計殊可慨焉吾人以爲增進生活能必以節約生活費爲其根柢此吾人折衷論之一端也。

至吾國人之生活能不可不增大前已言之增大之法在於求學識習藝能舍此固無他道焉中流社會不能任勞動事業居恆坐食侘傺無聊若乘此閒暇之時披閱書史學習書畫或蒔花植木捕蟲養鳥爲動植生物之研究或登山涉水採石搜巖爲地理礦物之考察他如工藝品之可仿造者千百條何妨擇其一二爲精密之試驗農商業之應調查者若干事亦可就其鄉土爲

詳明之統計苟一材一技之足稱卽足以益人而利己乃彼等往往不屑爲此其生活之進步常不求諸己而求諸人務廣交遊通聲氣於徵逐娛樂之中施運動營謀之術一人得意千百人隨之此風乃瀰漫全國上自政府官吏下至鄉里士紳幾無一人不出於此記者竊謂外國社會上之勢力以勞動家爲最大吾國社會上之勢力當以彼等社交家爲最大現時彼等尙無明白之結合設稍事組織聯成一黨必足以操縱全國之選舉左右全國之政治而有餘以中流以上十之八九均已網羅其中也彼等中之優秀者亦似有幾何之學識藝能然皆由社交上感染而來非出於自己之研究故按其實際則籠統模糊一切皆似是而非蓋其人之生活能實際上並無增加不過如貧血之人藉互相擁擠以稍增溫熱而已我國自戊戌至今仿效西洋文明二十餘年悉成似是而非之象實由國人之生活能並未增進缺乏學識藝能之故耳吾人主張從實際上增大

生活能。此又吾人折衷論之一端也。

上列二端。示折衷論之概要。吾人已不暇更端詳述。揭其總義。則吾人主張以現代文明爲表。以未來文明爲裏。表面上爲奮鬥的個人主義。精神上爲和平的社會主義。不奮鬥不足以生存於現世。吾人決不願以黃老派之玄談。柏拉圖之理想。自誤誤人。至共產均富之社會。雖不能實現於今日之世界。但不妨建設之於吾人。

之心裏。吾人就其平日之所嚮往者。舉其數端。依吾人之良心而實行之。此固吾人所可自由自主者。如吾人每日之衣食。可視爲社會之公物。吾人宜爲之撙節。且宜以勞動補償之。又如吾人之財產。亦可視爲社會之公物。吾既取吾之所需。有餘則宜善爲保存。且以補給他人之不足。以儉惜物。以勤治生。嚴於守己。而勿吝於給人。是爲中國之古君子。是爲世界之新人物。